



# Perry Township Schools

6548 Orinoco Avenue • Indianapolis, IN • 46227-4820

Dear Nulepa/Zohkhenhtu hna,

Hi ca hi Elementary and Secondary Education Act, Section 1111(h)(6) PARENTS RIGHT TO KNOW timi cozah sermi phung ningin, Perry Township Schools nih Title I Sianginn i a kaimi siangngakchia nulepa sinah nulepa nih nan fale ca a chimtu sayate an konglam le ze i bantuk thiamnak ngeimi dah an si ti halnak nawl le hlathlai khawhnak nawl nan ngeihmi kong theihternak an tuahmi hna a si. Cachimtu sayate an konglam hngalh le hlathlai khawh dingmi ah hin atang lei kong pawl hi ai telmi cu an si;

- Cachimtu saya hi a chimh dingmi cataang le ca (subject) ah state nih a khiahmi thiamnak (qualification) le laisen tlamtling tein a ngeimi si maw;
- Cachimtu saya hi Indiana nih a khiahmi thiamnak le laisen ngeih a herhmi olhpiak (waived) in caan karlak chung (emergency le temporary) lawng a chimmi si maw;
- Cachimtu saya i a cawnmi le hmuhmi dikari pawl (baccalaureate degree major, graduate certification, le field of discipline);
- Siangngakchia hi laisen ngei lomi (paraprofessional) nih a chim maw, a chimh ahcun ze i bantuk cawnnak le thiamnak ngeimi dah a si;

Nan fale cacawnnak hi baitak tein tha pek khawh rak a zuam uh law cachimtu sayate he zong pehzul tein pehtlainnak tuah khawh rak i zuam uh tiah nawl kan in duh hna. Kan theih bantuk in, siangngakchia an hlawhtlin khawhnak ding ahcun an pawngkam i a ummi le a zohkhenhtu hna; nulepa, cachimtu, mi bawmtu (support staff), tawlreltu upa (administrators) hna le zatlang mibu (community members) cungah tampi ai hngatmi a si. Elementary le Secondary Act le nulepa tuanvo (role of parents) kong hi tlamtling deuh i theihfian nan duh ahcun hika Indiana Department of Education website (<https://www.doe.in.gov/idoeparent-portal>) siloah United States Department of Education (<https://www.ed.gov/>) ah hin rak zoh chap te uh.

Nan fian lomi siloah biahal duhmi nan ngeih ahcun, hreh lo tein Mrs. Jane Pollard ([jpollard@perryschools.org](mailto:jpollard@perryschools.org)) le Mr. Matt Bush ([mbush@perryschools.org](mailto:mbush@perryschools.org)) hi chawn te hna uh.